

Sekretariat Tiong Hua UMS perkenal tradisi dan budaya lebih santai

UB 21.4.2018 BF

Oleh ALFRED PETRUS

KOTAKINABALU: Sekretariat Kebudayaan dan Kesenian Tiong Hua Universiti Malaysia Sabah (UMS) memperkenalkan tradisi dan kebudayaan Cina dalam bentuk lebih santai.

Melalui Karnival Tiong Hua UMS itu mampu menyampaikan objektif Sekretariat Kebudayaan dan Kesenian Tiong Hua (UMS) untuk memberikan pemahaman kepada pengunjung berkenaan keindahan kebudayaan masyarakat itu.

Penganjuran karnival yang kini dianjurkan kali ketujuh itu berlangsung selama tiga hari bermula Rabu sehingga hari ini



GAMBAR kenangan bersama pengadil dan peserta pertandingan kaligrafi.

di Padang Kawad UMS.

Karnival yang dibuka kepada orang ramai dan pelajar UMS

itu menyediakan pelbagai aktiviti yang menarik seperti pertandingan nyanyian dan ka-

ligrafi Cina UMS.

Selain itu, sepanjang tiga hari karnival, terdapat juga

acara lain yang diadakan seperti pameran mitos Cina dalam bentuk komik, meja pasir Cina, opera, senjata orang Cina, empat penemuan hebat Cina dan banyak lagi.

Pada sebelah malam karnival pula, acara dipenuhi dengan pelbagai persembahan termasuklah persembahan kebudayaan dan kesenian masyarakat Tiong Hua.

Antara persembahan yang dijalankan pada malam karnival adalah seperti wushu, persembahan muzik dan tarian singa.

Bagi memeriahkan lagi suasana karnival, penganjuran berkenaan turut menyediakan tapak jualan yang menjual pelbagai makanan.